


Ita est custu vademecum ?

Custu Vademecum est una gènia de guida innui s'arrespundit, cun figuras e fumetus chi podint interessai fintzas a is piciocheddus, a preguntas asuba de su sardu.



Is preguntas pertocant su profetu mannu chi nos sardus podeus tenni de is leis a tutela de is limbas de minoria, de comentis si podeus abàlliri de totus is diritus chi teneus gràtzias a **sa lei n. 482 de su 1999** «Normas a tutela de is minorias linguísticas istòricas» e a **sa lei de sa Regioni Sardigna n.26 de su 1997** «Promotzioni e valorizatzioni de sa cultura e de sa limba de sa Sardigna» e atras crosidadis puru asuba de sa limba nostra.

In dònna puntat chi eus a fai s'ant a circai arrespustas po unas cantu chistionis...

Su Vademecum inderetura a domu!

Custu *Vademecum* a puntadas fait a dd'arreciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiriztu limbasarda.abas@gmail.com iscriendi su nòmmini e su sangunau e "bollu arrèciri su *Vademecum*".



Comunu de Abas

Provintzia de Aristanis

Su Vademecum est aprontau de su
Servìtziu linguisticu sardu de su
Comunu de Abas

(operatoras Tatiana Frau e Silvia Mastinu).

S'isportellu linguisticu est a disponimentu de tzitadinus, maistus de iscola, professoris e istudentis po calisiat informatzioni, fundamentu, duda, crosidadi, bibliografia, sitografia asuba de sa Limba Sarda, po consulèntzias didàticas e po cussillus chi pertocant is arrègulas de iscritura de su sardu.

In su mesi de Donniasanti su servìtziu est abertu :

	De	A
Mèrcuris 02 - 09	Is 8.00	Is 14.00
Martis 15	Is 8:30	Is 09.30
Giòbia 03 - 10 - 17	Is 8.30	Is 12.00
Lunis		

Telèfunu: 0783/911329

E-mail: limbasarda.abas@gmail.com



Comunu de Abas

Provintzia de Aristanis

www.comune.ales.or.it

VADEMECUM

Po su manìgiu de is leis a tutela de is
limbas de minoria

Annu I, n.3

Acabau su 10 de Donniasanti de su 2011

PREGUNTAS ASUBA DE SA LIMBA SARDA

Ita si depit fait po fai arreconosci de sa Lei ca in bidde si fueddat su sardu?

Ddu podit domandai a su mancu su 15% de is citadinus chi podint votai de is comunus chi tenint una lingua de minoria o una de is tres partis de is cussilleris comunalis.



Po ndi sciri de prus...

- Ita si depit fai po fai arreconosci ca in unu Comunu si fueddat una lingua de minoria?

Po s'articulu n° 3 de sa Lei 482/99 in is Comunus in ui benit fueddada una de is linguas de minoria allistadas de sa Lei, est possibili a dd' arreconosci si ddu domandat a su mancu su 15% de is citadinus chi podint votai o una de is tres partis de is cussilleris comunalis. O puru, is chi tenint titulu po ddu fai, podint promovì una consultatzioni de is citadinus residentis chi, si funt a favori, podint domandai s'arreconoscimentu de sa minoria linguistica e otènniri aici su profetu de is agiudus econòmicus prevedius de sa Lei po avalorai custa lingua in su territòriu insoru.

Si podit fai letzioni in sardu in iscola?



Èja! Su maistu o su professori podint fai letzioni de calisiat matèria in sardu. O podint fai progetus po insenniai su sardu a is piciocheddus.

Po ndi sciri de prus...

- Si podit fai letzioni in sardu in iscola?

Èja si podit! Po s'articulu n°4 de sa lei 482/99 su maistu de iscola o su professori podint fai letzioni de calisiat matèria chistionendi in sardu, chi podit èssiri aici manigiau po comunicai, educai e insenniai. Podint fai puru progetus, aintru de s'oràriu de iscola, po insenniai a fueddai e iscriri sa lingua sarda a is piciocheddus cun su permessu de is mammas e is babbus insoru. S'articulu n°6 de custa lei narat chi fintzas in s'Universitàdi si podint fai cursus de lingua e cultura de is linguas de minoria in is logus in ui custas si fueddat. Fintzas su titulu IV de sa lei 26/97 chistionat de progetus in s'iscola e in s'Universitàdi chi pertocant sa lingua sarda.

Is impiegaus de su Comunu podint fueddai in sardu?



Eya! Gaii fait! Podint fueddai in sardu sia is impiegaus ca is amministradoris e fintzas iscriri atus in sardu acanta de cussus ufficialis in italianu.

Po ndi sciri de prus...

- Is impiegaus de su Comunu podint fueddai in sardu?

Certu chi fait! Po s'articulu n° 7 de sa lei 482/99 podint fueddai in sardu non sceti is impiegaus ma puru is amministradoris. S'articulu n°8 narat ca podint fintzas iscriri atus in sardu acanta de cussus ufficialis in italianu, ma is efetus giuridicus ddus ant a tèniri sceti cussus iscritus in italianu poita s'italianu est sa lingua ufficialis de s'Istadu.

Si podit fueddai e iscriri in sardu fintzas in su mentris de is atòbius de is Cossillus Comunalis e in totu is atividadis de is ufitzius, basta chi, acanta de is atus iscritus in sardu, bengiant fatus puru cussus in italianu e chi, si calincunu no cumprendit su sardu, siat garantida una furriadura, totu in unu, in italianu.